

MEDIO AMBIENTE DEN BIBLIOTECA NACIONAL

ORANJESTAD [AAN] Awe dia 5 di Juni - Dia di medio ambiente, un presentacion di video den Biblioteca Nacional. E programa tocante medio ambiente di Nacionnan Uni (UNEP) a proclama e dia di awe como dia internacional di medio ambiente.

Rond mundo lo pone en-fasis riba e particularidad

di: Cambio di clima, necesidad pa e contribucion global".

Biblioteca Nacional, ta tratando mas tanto posibel, pa en cooperacion cu e departamentonan responsabel, pone atencion na acontecimentonan internacional, lo bay pasa conhuntamente cu departamento di medio ambiente, bao encargo di Ing.

J. Engelbrecht, un video tocante e oil-spill (derrame di petroleo) cual a socede na 1990 y a causa un desastre pa medio ambiente, cu ta titula "Exxon Valdez". E exhibicion aki lo ta pa 4'or di atardi y pa 7'or di anochi den hal di Biblioteca Nacional.

Na centro di informacion tin un rapport cual por worde lesa tocante e topico

MIINISTRO REFUNJOL A ELOGIA INICIATIVA DI ARUBA SCHOLARSHIP FOUNDATION

ORANJESTAD(AAN) -- Ministro di Bienestar General encarga tambe cu Enseñanza, Fredis Refunjol, den su discurso durante e encuentro ameno di "Aruba Scholarship Foundation" a gradici Dr. Barbara Gothard pa su esfuerzonan haci den yuda nos studentenan haya e

oportunidad pa sigui studia na e Universidad Internacional di Florida.

Ministro Refunjol tabata tin masha aprecio y palabranan di elogio pa e fundacion reconociendo nan labor inmenso pa yuda nos hobennan sigui un estudio na Estados Unidos, aunque e ta mas

caro pa cual Gobierno ta orienta su mes mas tanto den manda su estudiantenan pa sigui nan estudio na Hulanda.

Ministro Refunjol ademá a ilustra con importante ta pa nos muchanan studia na Estados Unidos referiendo



na e ventahanan compara cu estudio na Hulanda.

El a indica cu na 1986 Gobierno a haye den un situacion cu mester a cambia su maneho pa financiamiento di estudio envez di otorgamento di beca.

E aña aki Gobierno a aumenta su aporte financiero na financiamiento di estudio compara cu aña pasa y añanan anterior.

Na final Refunjol a haci un apelacion na e publico presente pa sostene e iniciativa di "Aruba Scholarship Foundation" cu nan accion di recauda fondo pa sigui nan labornan pa e proximo 5 añanan.